



UNIVERSITÄTS-  
BIBLIOTHEK  
PADERBORN

## **Avrea Gemma Christianorvm**

**Ruben, Leonhard**

**Paderbornae, 1604**

V. Probatur diuinitas Christi ex operationibus diuinis a scriptura sacra illi  
tributis.

---

[urn:nbn:de:hbz:466:1-68313](https://nbn-resolving.org/urn:nbn:de:hbz:466:1-68313)

## CAPVT V.

*Probatur Diuinitas Christi ex operationibus diuinis  
à scriptura sacra illi tributis.*

Locus hic fortissimus est, ex quo conuincit ipse Christus Iudæos, quod in Patre suo sit, & pater in eo. Ioan. 10. 36. 37. 38. *Quem pater sanctificauit & misit in mundum vos dicitis: Quia blasphemias; quia dixi filius Dei sum. Si non facio opera Patris mei, nolite credere mihi; Si autem facio, & si mihi non vultis credere, operibus credite, ut cognoscatis & credatis quia pater in me est & ego in patre. Et ipse & Pater vsq; modo operatur. Ioan. 5. 17. Pater meus vsq; modo operatur, & ego operor.*

PRIMUM ergò opus est creatio, quo solo opere à falsis Dijs discernitur. Ieremiæ. 10. 11. *Sic ergò dicetis eis. Dy qui calum & terram non fecerunt, pereant de terra, & de his que sub calo sunt. Isa. 44. 24. Hec dicit Dominus redemptor tuus & formator tuus ex utero. Ego sum Dominus, faciens omnia, extendens calos solus, stabiliens terram & nullus mecum. Iob. 9. 8. Qui extendit calos solus, & graditur super fluctus maris. Psalm. 95. 5. Quoniam omnes Dy gentium Dæmonia. Dominus autem calos fecit. Sed creatio Christo conuenit. Psalm. 32. 6. 7. Verbo Domini cali firmati sunt, & Spiritu oris eius omnis virtus eorum. Congregans sicut in utre aquas maris, ponens in thesauris abyssos. Prou. 8. 29. Quando circumdabat mari terminum*

C 4

summa

suum, & legem ponebat aquis ne transirent fines suos, quando appendebat fundamenta terræ, cum eo erant cuncta componens. Ioan. 1. 3. Omnia per ipsum facta sunt, & sine ipso factum est nihil, quod factum est. Ibidem cap. 5. 19. Amen, amen dico vobis: non potest filius a se facere quicquam, nisi quod viderit Patrem facientem: quæcumq; enim ille fecerit, hæc & filius similiter facit. 1. Cor. 8. 6. Nobis tamen unus Deus Pater, ex quo omnia, & nos in illum: & unus Dominus Iesus Christus, per quem omnia & nos per ipsum. Colloss. 1. 16. Quoniam in ipso condita sunt uniuersa in calis & in terra, visibilia & inuisibilia, siue Throni, siue Dominationes, siue Principatus, siue Potestates, omnia per ipsum, & in ipso creati sunt. Heb. 1. 10. Et tu in principio Domine terram fundasti, & opera manuum tuarum sunt cali. Verſ. 12. Et velut amictum mutabis eos, & mutabuntur: tu autem idem ipse es, & anni tui non deficient.

Secundò. Hæc omnia facit, vt distinctus ab Angelis, à quibus distinguitur. Heb. 1. 13. 14. Ad quem autem Angelorum dixit aliquando: Sede a dextris meis, quoadusq; ponam inimicos tuos scabellum pedum tuorum? Nonne omnes sunt administratori Spiritus in ministerium missi propter eos, qui hereditatem capient salutis?

Tertiò est causa principalis, quæ est per se prædita necessaria, & sufficiēti virtute ad producendum effectum, Christus autem est Dei virtus. 1. Cor. 1. 24. Ipsi autem vocatis Iudæis atq; Græcis Christum Dei virtutem & Dei sapientiam.

Portans

Portans omnia verbo virtutis suæ. Heb. 1. 3. *Qui cum sit splendor gloria & figura substantiæ eius, portansq; omnia verbo virtutis suæ, purgationemq; peccatorum faciens, sedet ad dexteram maiestatis in excelsis, tanto melior Angelis effectus, quanto differentius præ illis nomen hereditavit.*

Quartò. Hæc omnia agit arbitrato suo filius, vadit, emittit, vocat, mandat, & omnia obediunt ei. Baruch. 3. 31. 32. 33. 34. 35. 36. 37. 38. *Non est qui possit scire vias eius, neq; qui exquirat semitas eius: sed qui scit uniuersa nouit eam & adinuenit eam prudentia sua, qui preparauit terram in æterno tempore & impleuit eam pecudibus & quadrupedibus: Qui emittit lumen & vadit: & vocauit illud. & obedit illi in tremore. Stella autem dederunt lumen in custodijs suis, & lætata sunt. Vocata sunt & dixerunt. Adsumus: & luxerunt ei cum iucunditate, qui fecit illas. Hic est Deus noster & non astimabitur alius aduersus eum. Hic adinuenit omnem viam discipline, & tradidit illam Iacob puero suo, & Israël dilecto suo. Post hæc in terris visus est, & cum hominibus conuersatus est. Luc. 8. 25. Dixit autem illis, ubi est fides vestra? Qui timentes mirati sunt, adinuicem dicentes. Quis pater hic est, quia & ventis & mari imperat & obediunt ei? Et viuificat vt pater. Ioan. 5. 21. Sicut enim pater suscitatur mortuos, & viuificat: sic & filius quos vult viuificat.*

Quintò idem probat illius omnipotentia, de qua præcedenti capite, loco quinto.

SECUNDVM opus est, Conseruatio re-

C § TUM

rum creaturarum quæ conuenit Deo. Act. 17. 28. In ipso enim uiuimus, & mouemur & sumus, sicut & quidam uestrorum Poëtarum dixerunt, ipsius enim & genus sumus. Et tribuitur Christo. Coll. 1. 16. Quoniam in ipso condita sunt uniuersa, in calis & in terra, uisibilia simul & inuisibilia, siue Throni, siue Dominationes, siue Principat<sup>us</sup>, siue Potestates, omnia per ipsum & in ipso creata sunt Heb. 1. 3. Quicumque sit splendor gloria, & figura substantiæ eius, portansq<sup>ue</sup> omnia uerbo uirtutis suæ, purgationem peccatorum faciens, sedet ad dexteram maiestatis in excelsis.

TERTIVM opus, est cognitio, qua Deus ipse se propriè cognoscit, quæ soli Deo tribuitur 1. Cor. 2. 11. Quis enim hominum scit qua sunt hominis, nisi spiritus hominis, qui in ipso est, ita & qui Dei sunt, nemo cognouit nisi spiritus Dei. Rom. 11. 33. O altitudo diuitiarum sapientiæ & scientiæ Dei, quæ incomprehensibilia sunt iudicia eius, & inuestigabiles uiae eius? Sed hanc cognitionem Christus sibi metipso tribuit. Matt. 11. 27. Omnia mihi tradita sunt a patre meo, & nemo nouit filium nisi Pater: neque patrem quis nouit nisi filius, & cui uoluerit filium reuelare. Ioan. 10. 15. Sicut nouit me Pater, & ego agnosco Patrem, & animã meã pono pro ouibus meis.

QUARTVM opus, est cognitio cordium & occultorum. Esa. 4. 23. Qui dat secretorum scrutationes, quasi non sint, indices terra uelut inane fecit. 3. Reg. 8. 39. Tu exaudies in caelo in loco habitacionis tuæ, & repropitiaberis, & facies ut des unicuique secundũ omnes uias suas, sicut uideris cor eius. (quia tu nosti

tu nosti solus cor omnium filiorum hominum. Ier. 17.  
 9. 10. Prænum est cor omnium & inscrutabile, quis  
 cognouit illud? Ego Dominus scrutans cor, & probans  
 renes, qui do unicuique iuxta viam suam, & iuxta fru-  
 ctum adinventionum suarum. Sed hæc omnia con-  
 ueniunt Christo. Ioan. 2. 25. Et quia opus ei non  
 erat, ut quis testimonium perhiberet de homine: ipse  
 enim sciebat quid esset in homine. Ibid. capit. 13. 19.  
 A modo dico vobis priusquam fiat: ut cum factum fue-  
 rit credatis, quia ego sum. I. Petr. 1. 10. 11. Scrutans  
 res in quod vel quale tempus significaret in eis spiritus  
 Christi, præannunciando eas, quæ in Christo sunt passiones  
 & posteriores glorias. Apoc. 2. 8. Et filios eius inter-  
 ficiam in morte, & scient omnes Ecclesie, quia ego sum  
 scrutans renes & corda, & dabo unicuique vestrum se-  
 cundum opera sua.

QVINTVM opus est saluatio, quæ conuenit  
 Deo. Psalm. 67. 21. Deus noster Deus saluos fa-  
 ciendi: & Domini Domini exitus mortis. Isa. 45. 21.  
 Annunciate & venite, & consiliamini simul, quis au-  
 ditum fecit hoc ab initio, & tunc prædixit illud.  
 Nunquid non ego Dominus, & non est ultra Deus absque  
 me? Deus iustus & saluans non est præter me. Hoc  
 opus tribuitur Christo. Matth. 1. 21. Et vocabis  
 nomen eius Iesum: ipse enim saluum faciet populum  
 suum à peccatis eorum. Ibid. 18. 11. Venit enim filius  
 hominis saluare quod perierat. Hinc est salua-  
 tor mundi. Ioannis. 4. 14. Sed aqua quam ego  
 dabo, fiet in eo fons aquæ salientis, in vitam  
 æternam. Versu 42. Hic est verè saluator mundi.  
 Philip.

Philip. 3. 20. *Nostra autem conuersatio in caelis est, unde etiam Saluatorem expectamus Dominum nostrum Iesum Christum. Auctor salutis nostrae. Heb. 2. 10. Decebat enim eum propter quem omnia & per quem omnia, qui multos filios in gloria adduxerat, auctorem salutis eorum per passionem consummari.*

SEXTVM opus est sanctificatio. *Leu. 20. 8. Custodite praecepta mea & facite ea. Ego Dominus qui sanctifico vos. Quod tribuit D. Paulus Christo, Ephes. 5. 26. Ut illam sanctificaret mundans lauacro aquae, in verbo vitae. Heb. 2. 11. Qui enim sanctificat & qui sanctificantur, ex uno omnes, propter quam causam, non confunditur fratres eius vocare dicens.*

SEPTIMVM opus. Electio praedestinatorum, *Ephes. 1. 4. Sicut elegit nos in ipso ante mundi constitutionem, ut essemus sancti & immaculati in conspectu eius, in charitate. Quae electio conuenit Christo Domino. Ioan. 6. 10. Respondit ei Iesus: Nonne ego vos duodecim elegi, & ex vobis unus Diabolus est? Ioan. 13. 18. Non de omnibus dico: ego scio quos elegerim, sed ut impleatur scriptura. Qui manducat mecum panem, leuabit contra me calcameneum suum. Ibidem cap. 15. 16. Non vos me elegistis, sed ego elegi vos, & posui ut eatis & fructum afferatis & fructus vester maneat: ut quodcumque petieritis Patrem in nomine meo det vobis. versu 19. Si de mundo fuissetis: mundus quod suum erat diligeret: quia vero de mundo non estis, sed ego elegi vos de mundo, propterea odit vos mundus.*

OCTA

OCTAVVM opus est, illuminatio interna ad cognoscendum veritatem reuelatam, quæ conuenit Deo. Hinc pretiosis lapidibus comparatur. Isa. 54. 12. *Et ponam Iaspidem propugnacula tua. & portas tuas in lapides sculptos, & omnes terminos tuos in lapides desiderabiles.* Ioan. 6. 45. *Est scriptum in Prophetis: & erunt omnes docibiles Dei. Omnis qui audiuit à patre, & didicit venit ad me.* Matt. 16. 17. *Respondens autem Iesus dixit eis: Beatus es Simon Bariona: quia caro & sanguis non reuelauit tibi, sed pater meus qui in calis est. Sed & hoc conuenit Christo.* Ioan. 1. 9. *Erat lux vera, que illuminat omnem hominem uentem in hunc mundum.* Matt. 11. 27. *Omnia mihi tradita sunt à patre meo, & nemo nouit filium nisi Pater: neq; Patrem quis nouit nisi filius, & cui uoluerit filius reuelare.* Ephes. 5. 14. *Propter quod dicit, surge qui dormis, & illuminabit te Christus.*

NONVM opus uocatio & tractio ad Ecclesiam. Rom. 8. 28. 29. 30. *Scimus autem quoniam diligentibus Deum omnia cooperantur in bonum, ijs, qui secundum propositum uocati sunt sancti. Nam quos præsciuit, & prædestinauit conformes fieri imaginis filij sui, ut sit ipse primogenitus in multis fratribus. Quos autem prædestinauit, hos & uocauit: & quos uocauit, hos & iustificauit: quos autem iustificauit, illos & glorificauit.* Ioan. 6. 44. *Nemo potest venire ad me, nisi Pater qui misit me, traxerit eum: & ego resuscitabo eum in nouissimo die.* De Christo. Matth. 4. 21. *Et procedens inde, uidit alios*



alios duos fratres Iacobum Zebedaei & Ioannem fratrem eius in navi, cum Zebedaeo patre eorum, reficentes retia sua: & vocauit eos. Ibidem cap. 9. 13. Euntes autem discite, quid est misericordiam volo & non sacrificium, non enim veni vocare iustos sed peccatores, Marc. 2. 14. Et cum prateriret, vidit Leui Alphaei sedentem ad Teloniū, & ait illi sequere me. Luc. 5. 32. Non veni vocare iustos, sed peccatores ad penitentiam. Ioan. 10. 16. Et alias oues habeo, quae non sunt ex hoc ouili, & illas oportet me adducere, & vocem meam audient, & fiet unus ouile & unus pastor. Apocalyp. 3. 20. Ecce sto ad ostium & pulso: Si quis audierit vocem meam, & aperuerit mihi ianuam, intrabo ad illum, & cenabo cum illo, & ipse mecum.

DECIMUM opus, est iustificatio impij & remissio peccatorum. Rom. 8. 33. Quis accusabit aduersus electos Dei? Deus qui iustificat, quis est qui condemnet? Christus Iesus qui mortuus est, imò qui resurrexit, qui est ad dexteram Dei, qui etiam interpellat pro nobis. Esa. 43. 25. Ego sum. Ego sum ipse qui deleo iniquitates tuas propter me, & peccatorum tuorum non recordabor. Marc. 2. 7. Quid hic sic loquitur? blasphemat. Quis potest dimittere peccata nisi solus Deus? Quod etiam Christo conuenit. Isa. 53. 7. Pro eo quod laborauit anima eius, videbit & saturabitur: in sciētia sua iustificabit ipse iustus seruus meus multos, & iniquitates eorum ipse portabit. Luc. 5. 20. 21. Quorum fidem ut vidit, dixit. Homo remittuntur tibi peccata tua. Et coeperunt cogitare

cogitare Scriba & Pharisei dicentes: *Quis est hic qui loquitur blasphemias? Quis potest dimittere peccata nisi solus Deus?* Ibidem, capite. 7. 49. *Et cœperunt qui simul accumbebant dicere intra se: Quis est hic qui etiam peccata dimittit?* Matth. 9. 1. 2. *Et ascendens in nauiculam transfretauit & venit in ciuitatem suam, & ecce offerebant ei paralyticum iacentem in lecto. Et videns Iesus fidem illorum dixit paralytico. Conside fili remittuntur tibi peccata tua.* Marc. 2. 5. *Cum autem vidisset Iesus fidem illorum ait paralytico. Fili dimittuntur tibi peccata tua.* Ioannis. 1. 29. *Altera die vidit Ioannes Iesum venientem ad se, & ait: Ecce Agnus Dei, ecce qui tollit peccata mundi.* Versu. 36. *Et respiciens Iesum ambulans dicit. Ecce agnus Dei.* Hebr. 1. 3. *Qui cum sit splendor gloria & figura substantia eius, portansq; omnia verbo virtutis sue, purgationem peccatorum faciens, sedet ad dexteram maiestatis in excelsis.*

VNDECIMUM opus, Internum regnum & gubernatio spiritualium amicorum. Psalm. 22. 1. *Dominus regit me & nihil mihi deerit: in loco pascue ibi me collocauit.* Conuenit Christo. Ioannis. 15. 5. *Ego sum vitis, vos palmites: qui manet in me & ego in eo, hic fert fructum multum: quia sine me nihil potestis facere.* Matth. 28. 20. *Docentes eos seruare omnia, quaecunq; mandauero vobis, & ecce ego vobiscum sum omnibus diebus usq; ad consummationem seculi.*

DVODE-

DUODECIMVM opus est, Consolatio in-  
terna piorum in tribulationibus. 2. Cor. 1. 3.  
*Benedictus Deus & Pater Domini nostri Iesu Chri-  
sti, Pater misericordiarum & Deus totius consolatio-  
nis; qui consolatur nos in omni tribulatione nostra.*  
De Christo verò. Matth. 28. 29. 30. *Venite ad me  
omnes, qui laboratis & onerati estis, & ego reficiam  
vos. Tollite iugum meum super vos; & discite à me,  
quia mitis sum & humilis corde, & inuenietis requiè  
animabus vestris. Iugum enim meum suauè est, & on-  
nus meum leue.* 2. Cor. 1. 5. *Quoniam sicut abun-  
dant passiones Christi in nobis: ita & per Christum  
abundat consolatio nostra.*

DECIMUM tertium opus, Missio ope-  
rariorum & prophetarum. Jerem. 7. 25. *Adi-  
qua egressi sunt patres eorum de terrà Egypti vsq[ue]  
ad diem hanc. Et misi ad vos omnes seruos meos Pro-  
phetas per diem, consurgens diluculo & mittens. Si-  
cut Christus Apostolos; Pastores, Prophetas, Do-  
ctores. Matth. 10. 1. Et conuocatis duodecim disci-  
pulis, dedit illis potestatem Spirituum immundorum,  
vt eijcerent eos & curarent omnem languorem, &  
omnem infirmitatem. Versu s̄ 6. 7. 8. Hos duode-  
cim misit Iesus, precipiens eis, dicens: *In viam gen-  
tium ne abieritis, & in ciuitates Samaritanorum ne  
intraueritis, sed potius ite ad oues quæ perierunt do-  
minus Israël. Euntes autem predicate dicentes: Quia  
appropinquauit regnum calorum. Infirmos curate,  
mortuos suscite, leprosos mundate, demones eijcite:  
gratis accepistis, gratis date. Matth. 23. 33. 34. 35. 36.**

Serpentis

Serpentes gemina viperarum, quomodo fugietis à iudicio gehenna? Ideo dico vobis. Ecce ego mitto ad vos Prophetas & Sapientes, & Scribas & ex illis occidetis, & crucifigetur, & ex eis flagellabitur in Synagogis vestris, & persequimini de civitate in civitate: ut veniat super vos omnis sanguis iustus qui effusus est super terram à sanguine Abel iusti, usq; ad sanguinem Zacharia filij Barachia, quem occidistis inter templum & altare. Amen dico vobis, venient haec omnia super generationem istam. 1. Cor. 12. 28. 29. 30. Et quosdam quidem posuit Deus in Ecclesia primum Apostolos, deinde virtutes, exinde gratias curationum, opitulationes, gubernationes, genera linguarum, interpretationes sermonum. Nuncquid omnes Apostoli? Nuncquid omnes Prophetae? Nuncquid omnes Doctores? Ephes. 4. 11. 12. 13. 14. Et ipse dedit quosdam quidem Apostolos, quosdam autem Prophetas, alios vero Evangelistas, alios autem Pastores, & Doctores ad consummationem sanctorum in opus ministerij, in adificationem corporis Christi, donec occurramus omnes in unitatem fidei & agnitionis filij Dei, in virum perfectum, in mensuram etatis plenitudinis Christi: ut iam non simus parvuli fluctuantes & circumferamur omni vento doctrinae, in nequitia hominum, in astutia, ad circumventionem erroris. Marc. 3. 13. 14. 15. Et ascendens in montem vocavit ad se quos voluit ipse, & venerunt ad eum, & fecit ut essent duodecim cum illo, ut mitteret eos predicare, & dedit illis potestatem curandi infirmitates & eiciendi Daemonia. Ibidem cap. 6.

D

7. 8.

7 8. 9. Et vocauit duodecim & cepit eos mittere binos, & dabat illis potestatem spirituum immundorum, & praecepit eis ne quid tollerent in via, nisi virgam tantum: non peram, non panem, neq; in Zona es, sed calceatos sandalijs & ne induerentur duabus tunnicis. Luc. 6. 13. Et cum dies factus esset, vocauit discipulos suos: & elegit duodecim ex ipsis, (quos & Apostolos nominauit.) Ibidem. cap 9. 1. 2. (conuocatis autem duodecim Apostolis, dedit illis uirgum & potestatem super omnia Daemonia, & ut languores curarent, & misit illos predicare regnum Dei & sanare infirmos. Capit 10. 1. 2. 3. 4. Post hac autem designauit Dominus & alios septuaginta duos & misit illos binos ante faciem suam, in omnem ciuitatem & locum, quo erat ipse venturus: Et dicebat illis Messis quidem multa, operarij autem pauci. Rogauit ergo Dominum messis, ut mittat operarios in messem suam. Ite, ecce ego mitto uos sicut agnos inter lupos, nolite portare sacculum, neque peram, neque calceamenta. & neminem per uiam salutaueritis. Ioh. 20. 2. Pax uobis: sicut me misit pater, & ego mitto uos.

DECIMUM quartum opus. Institutio Sacramentorum, uti Deus instituit circumcisionem. Genes. 17. 10. Hoc est pactum meum quod obseruabitis inter me & uos, & semen tuum post te circumcidetur ex uobis omne masculinum. At Christus instituit Sacramenta Baptismatis, Eucharistiae, Poenitentiae, & alia, ut singula suis titulis in thesauro nostro Biblico ostendimus.

DE CHRISTI IESV DIVINITATE. 31

DECIMUM quintum opus. Operatio effia-  
tax & principalis in ipsorum Sacramentorum  
vsu. Deut. 30. 6. *Circūcidet Dominus Deus tuus cor  
tuum & cor seminis tui: ut diligas Dominum Deum  
tuum in toto corde tuo, & in tota anima tua, ut possis  
vivere.* Sic Christus in Baptismate: Ioan. 1. 32  
33. *Et testimonium perhibuit Ioannes dicens: Quia  
vidi Spiritum descendentem quasi columbam de ca-  
elo, & mansit super eum, sed qui misit me baptizare in  
aqua, ille mihi dixit: super quem videris Spiritum  
descendentem & manentem super eum, hic est qui  
baptizat in Spiritu sancto.*

DECIMUM sextum opus. Suscitatio mor-  
tuorū & maximè in nouissimo die. Ioan. 5. 21. *Si-  
cut enim Pater suscitatur mortuos & viuificat, sic &  
filius quos vult viuificat.* Quod & conuenit Chris-  
to. Ibidem versu. 25. 26. *Amen, amen dico vo-  
bis, quia venit hora & nunc est, quando mortui au-  
dient vocem filij Dei, & qui audierint, uiuent: Sicut  
enim Pater habet vitam in semetipso: sic & dedit fio-  
lio habere vitam in semetipso.* Ibidem. cap. 6. 39.  
40. *Hec est autem voluntas eius qui misit me, Pa-  
tris; ut omne quod dedit mihi non perdam ex eo, sed  
resuscitem illud in nouissimo die. Hec est autem vo-  
luntas Patris mei qui misit me: ut omnis qui vi-  
det filium, & credit in eum habeat vitam atero-  
nam, & ego resuscitabo eum in nouissimo die.* Sic  
excitat mortuos. Matt. 9. 25. 26. *Et cum eiecta  
esset turba, intravit & tenuit manum eius & surrexit  
puella.* Ibid. cap. 27. 52. *Et monumenta aperta sunt,*

& multa corpora sanctorum, qui dormierant surre-  
 xerunt. Luc. 7. 13. 14. 15. Quam cum vidisset Do-  
 minus, misericordia motus super eam, dixit illi: No-  
 li flere, & accessit & tetigit loculum. ( Hi autem qui  
 portabant steterunt ) & ait: Adolescens tibi dico sur-  
 ge, & resedit qui erat mortuus & coepit loqui, & de-  
 dit illum matri suae. Ibidem cap. 8. 54. Ipse autem  
 tenens manum eius clamauit dicens: puella surge.  
 Ioan. 11. 49. 50. Vnus autem ex ipsis Caiphas nomi-  
 ne, cum esset Pontifex anni illius, dixit eis. Vos nesci-  
 tis quicquam, nec cogitatis, quia expedit vobis, ut o-  
 mnis moriatur homo pro populo, & non tota gens pe-  
 reat. Isa. 26. 19. Vident mortui tui, interfecti re-  
 surgent, expergiscimini & laudate qui habitatis in  
 puluere, quia ros lucis ros tuus, & terram gigante  
 detrahes in ruinam, quae potestas adeo excellens fit  
 in Christo, ut illam etiam alijs communicauit.  
 Matth. 10. 8. Infirmos curate, mortuos suscite, &  
 profos mundate, demones eicite, gratis accepistis gra-  
 tis date. Quod fit Matt. 11. 5. Caeci vident, clau-  
 ambulans, leprosi mundantur, surdi audiunt, mortui  
 resurgunt, pauperes euangelizantur. Et infra lib.  
 2. cap. 13. In thesauro nostro Biblico tit. Mor-  
 puncto 21.

DECIMUM septimum opus, miraculo-  
 rum operatio, facit enim Deus mirabilia magna  
 solus. Psalm. 71. 18. Benedictus Dominus Deus  
 israel, qui facit mirabilia magna solus. Quae ita fecit  
 Christus ut euangelia sint plena, facit enim om-  
 nia quae Pater. Hinc Ioan. 10. 35. 36. 37. 38. 39.

illos dixit Deos, ad quos sermo Dei factus est, & non potest solui scriptura: quem Pater sanctificavit, & misit in mundum vos dicitis: quia blasphemas, quia dixi filius Dei sum? Si non facio opera patris mei nolite credere mihi: si autem facio, & si mihi non vultis credere, operibus credite, ut cognoscatis & credatis, quia pater in me est & ego in patre. Querebant ergo eum apprehendere, & exiit de manibus eorum. Sic populus vidit mirabilia quæ fecit Christus. Matt. 21. 15. Videntes autem Principes sacerdotum & scribæ mirabilia quæ fecit, & pueros clamantes in templo, & dicentes: Hosanna filio David: indignati sunt. Luc. 6. 26. Et stupor apprehendit omnes & magnificabant Deum, & repleti sunt timore dicentes: quia vidimus mirabilia hodie. Et quidem hæc propria auctoritate, quæ tanta est, ut eam etiam suis Apostolis & Christianis communicet. Matt. 10. 7. 8. ut superius diximus. Marc. 6. 12. 13. Et exeuntes predicabant ut pœnitentiam agerent: & Dæmonia multa eiecibant, & ungebant oleo multos & sanabant. Luc. 9. 1. 2. Conuocatis autem duodecim Apostolis dedit illis virtutem & potestatem super omnia Dæmonia, & ut languores curarent. Et misit illos predicare regnum Dei & sanare infirmos. Vers. 6. Egressi autem circumibant per castella euangelizantes & curantes ubiq; Ibidem, cap. 10. 8. 9. Et in quamcumq; ciuitatem intraueritis, & suscepterint vos, manducate quæ apponuntur vobis, & curate infirmos qui in illa sunt, & dicite illis. Appropinquat in vos regnum Dei. vers. 17. Reuersi sunt



autem septuaginta duo cum gaudio dicentes: Domine etiam demonia subiciuntur nobis in nomine tuo, Marc. 16. 17. 18. 19. Signa autem eos qui crediderint hac sequentur. In nomine meo demonia eicient, linguis loquentur nouis, serpentes tollent, & si mortiferum quid biberint non eis nocebit, super agros manus imponent & bene habebunt. Et Dominus quidem Iesus postquam locutus est eis, assumptus est in caelum, & sedet a dextris Dei. Vide plura infra lib. 4. cap. 13.

DECIMUM octauum, est glorificatio. Psal. 83. 13. Non priuabit bonis eos, qui ambulant in innocentia: Domine virtutum, beatus homo qui sperat in te. Verf. 12. Gloriam & gratiam dabit Dominus. Sic Christus vitam æternam. Ioan. 10. 28. Oves mea vocem meam audiunt: & ego cognosco eas & sequuntur me, & ego vitam æternam do eis, non peribunt in æternum, & non rapiet eas quisquam de manibus meis, Rom. 2. 10. 11. 12. 13. 14. 15. Gloria autem & honor & pax omni operanti bono Iudeo primum & Græco: non enim est acceptio personarum apud Deum. Quicumque enim sine lege peccauerunt, sine lege peribunt, & quicumque in lege peccauerunt, per legem iudicabuntur: Non enim auctores legis iusti sunt apud Deum, sed factores legis iustificabuntur. Cum enim gentes quæ legem non habent, naturaliter ea, quæ legis sunt faciunt, eiusmodi legem non habentes, ipsi sibi sunt lex, qui ostendunt opus legis scriptum in cordibus suis, testimonium reddente illis conscientia ipsorum, & inter se inuicem

cem cogitationibus accusantibus, aut etiam defendentibus in die cum iudicabit Deus occulta hominum secundum Euangelium meum per Iesum Christum Hebr. 2. 10 Decebat enim eum propter quem omnia, & per quem omnia, qui multos filios in gloriam adduxerat, auctorem salutis eorum per passionem consummari. Huc spectat corona iustitiæ, quam ab eo iudice expectat D. Paulus. 2. Tim. 4. 7. 8. Bonum certamen certavi, cursum consummaui, si lem seruavi, in reliqua reposita est mihi corona iustitiæ, quam reddet mihi Dominus in illa die, iustus iudex, non solum autem mihi; sed & ijs qui diligunt aduentum eius.

## CAPVT VI.

*Probatuꝛ diuinitas Christi ex sacris literis, eo quod eodem diuino cultu prosequimur Christum quo Patrem.*

Primò id in genere ostendit Christus ipse.

Ioan. cap. 5. 22. 23. *Neq; enim Pater iudicat quemquam: Sed omne iudicium dedit filio, ut omnes honorificent filium; sicut honorificant Patrem: qui non honorificat filium, non honorificat Patrem, qui misit illum.*

Secundò, in gloria Patris venit. Mart. 16. 27. *Filius enim hominis venturus est in gloria Patris sui cum Angelis suis: & tunc reddet unicuiq; secundum opera eius. Vocat maiestatem suam. Matth. 25. 31. Cum autem venerit filius hominis in maiestate sua & omnes Angeli cum eo, tunc sedebit super sedem maiestatis sue.*